

মা শিশুটির মাথায় জল ঢেলে দিলেন। যেখানে-সেখানে থুথু ফেলা একটি বদ অভ্যাস। অনেকেই যা বলে তা নিজেরা অভ্যাস করে না। ডঃ রায় একটি কলেজের অধ্যক্ষ, এবং তিনি সর্বদাই নীতি মেনে চলতে চেষ্টা করেন। তোমরা চূপ করো। পুরোপুরি সুখ সত্যই দুর্লভ। আমি তোমার প্রস্তাব সমর্থন করি। তুমি তোমার দোষ স্বীকার করো না কেন? তিনি নতুন দায়িত্ব নিতে অস্বীকার করলেন। তুমিই যত নষ্টের মূল। তুমি কি কামারপুকুর যাবার রাস্তা জানো? বাঙালির বারো মাসে তেরো পার্বন, আর বইমেলা হল তার চতুর্দশ পার্বন। বই পড়া অভ্যাস করো, ক্রমবর্ধমান ভোগবাদের বিরুদ্ধে তা মহৌষধের কাজ করবে। একটা ভালো বই পড়লে তা আমাদের মনকে উদার করে (broaden) এবং হৃদয়ে আনন্দ দেয় (gladden)। বই কেনার সঙ্গে আড্ডা, টুকিটাকি খাওয়াদাওয়া সব মিলে বইমেলাই হল বাঙালীর আসল কার্নিভাল (Carnival-আনন্দোৎসব)। বইমেলায় আধুনিক বিশ্বের চিন্তাধারার সমাবেশ ঘটে। এখানে দেশে-দেশে বা মানুষে-মানুষে সংঘর্ষ বা কলহ নেই। এখানে আছে পরস্পরকে বোঝবার আর বোঝাবার প্রতীক বই। সমস্যায় আকীর্ণ আমাদের দেশেও এই বইমেলা ঘটাতে পারে শিক্ষা ও সংস্কৃতির প্রসার, মানবচৈতন্যের অব্যাহত বিস্তার। আমাদের এই বইমেলা হয়ে উঠুক রুচিশীল পাঠকের কাছে রুচিশীল প্রকাশকের রুচিশীল নিবেদন।